



COMUN DI GLEMONE

DOCUMENTS PA STORIE DAI FURLANS TAL TARAMOT DAL 1976

Guide al archivi Gubiani inte Biblioteche comunâl
“Don Valentino Baldissera” di Glemone

*catalogazion di Matteo Ermacora
presentazion di Raimondo Strassoldo*

DOCUMENTI PER LA STORIA DEI FRIULANI NEL TERREMOTO DEL 1976

Guida all’archivio Gubiani nella Biblioteca comunale
“Don Valentino Baldissera” di Gemona del Friuli

*a cura di Matteo Ermacora
prefazione di Raimondo Strassoldo*

PRESENTAZION

I taramots, come ducj i grancj disastros, no scjassin dome lis struturis materiâls ch'a tegnin su la societât umane, ma a butin pa l'aiar, par cualchi timp, lis relazions, i piçui mûts di vivi ch'a son la fonde dai sistemis sociâi intal temp normâl.

Il compuartament da l'om, in fin dai fats, al è il spiêli dal vivi da l'individuo o dal grop ch'al à ator di lui. In cheste clime a funzionin potents la solidarietât di famee, di amîs, di int ch'e sta dongje e di comunità. Tal imprin, par un pôc, cualchi zornade, setemane o cualchi mês, al ven fûr fuart un mût di compuartâsi viert e gjenerôs

La comunità e torne a vivi come intal imprin de umanitât, plene di entusiasim e partecipazion. Par un moment al è come ch'a si fermassin lis struturis e lis leçs stabilidis e ch'a si tornâs a scomençâ al vivi primordiâl: il disastro si palese ocasion di tornâ a partî no dome tes robis materiâls e economichis, ma ancje in chês morâls, sociâls e politichis.

Il nestri taramot dal '76, come chel dal Belice di sîs agns prin, al è capitât intune situazion taliane ancjemò vivarose massime intai zovins. A jerin ancjemò vîfs i moviments e i projets di cambiament che il '68 al veve dismot fûr. A si sintive ancjemò une clime anarchiche, antimilitaristiche, pacifiste, ecologjiste, cuntri il capitalisim e a pro dal tierç mont e dal popul par une vite comunitarie e di partecipazion. Culì, in Friûl, cun di plui, si tornave a capî la nécessitat di scuvierzi une identitat etniche di autonomie furlane (la Piçule Patrie Nazion). E nasseeve l'esigjence di autonomie furlane, cuntri il centralism dal stât, cuntri Rome insome. Dut chest si incrosave e si misturave in misure difereute tant framieç i zovins di lidrîs catoliche, che tra chei laics marxiscj. Cussì a son vignûts fûr une schirie di moviments di “gnove sinistre” (o “democratic” come ch'a si diseve) fûr dai partîts e sindacâts tradizionâi.

Intal incjastri di chei doi mûts di pensâ: un gjeneral, in conseguenze de situazion dal disastro, chel altri ch'al vignive fûr dal moviment politic-culturâl ch'al madurive in Italie dal '76, a son saltâts fûr i “moviments di base” soreduòt inte zone plui batude: a Glemone e dulintor. Cheste esperienze e jere gnove e impuartante; che, difat, i prins ch'a vignivin di difûr a si son inacuarts subit di jê. Cualchidun al veve la idee che i “Comitâts di tendopoli” a deventassin, planc planc, dai soviet. Cualchidun altri, maraveât de vivarosità dal mont catolic e dai tancj predis in prime linie, al veve pore ch'al nasses un gnûf clericalisim di çampe, mieç di vanzeli e mieç

populist. Cualchidun altri ancjemò al veve pôre che la ondade etniche culturâl e ciris di butâ pal aiar l'unitât dal Stât. E je stade ancje int che e cjalave chescj moviments cuntun voli plui misurât, cence esaltazion e cuasit ju calcolave normâi e ancje positîfs in chê situazion di disastro. Tal '77, un sociolic furlan, sul cont di “iniziativis comunitariis” e, plui precîs, dai “Comitâts di tendopoli e dai Comitâts di coordinament, al scriveve: “chescj comitâts a puedin meti in vore progetti di gambiamenti sociâi, di prudelâ une clime integrative, di sclarî i gredeis di comunità, di ciatâ fûr soluzions ai problemis plui urgjents”. L'attività di chescj comitâts, si capîs, a sminuivin l'autoritat dai organisims uficiâi. In fin dai fats si scuen dî che il lavor di chestis associazions al è stât ben fat, massime: “a) dâ, pe prime volte, la peraule e lis decisions a la int e ancje a lis feminis che a jerin sim-pri stadi lassadis da bande; b) vê l'ocasion di ciatâsi, capîsi, confrontâsi; c) liberâsi dal acetâ dut, dal rangjâsi dal lassâ fâ a chei che a comandavin, dal vê pôre di mentisi insieme e butâ vie la ande di fâ ce ch'a disevin i grancj”. (B. Tellia, in R. Strassoldo e B. Catarinussi cur., *Friuli, la prova del terremoto*, Angeli, Milano 1978, pp. 174-5). Il sociolic al va indenant cirint di fâ i conts cui pussibii gambiamenti di chescj comitâts di base. Al conte che al è normâl che a calassin i prins fervôrs, che al vignis indenant, dopo il disastro, il risco di int che e vignive di difûr che e podès profitâ par inturgulî i ideâi cun intenzions politichis rivoluzionaris. Al finis cul dî che “al sarès ben e just rifleti sul Comitât di coordinament des tendopolis cjalant cun calme ducj i boletins vignûts fûr in chei mês là.

A son passâts cuasit vincjecinc agns; il taramot dal '76 al à fat scrivi tancj studis, cjartis di ogni fate; lu àn studiât e esaminât in dret e ledrôs, ma ce che il sociolic al veve sperât, nol è stât fat. Par tant ch'o sai jo, i stôrics dal Friûl no àn dade la impuantance ch'a mertavin ai Comitâts di tendopolis. Cumò, se a àn voe di fâ chest lavor, ur devente plui facil midiant la passion di Zuanfrancesc Gubian di Glemone ch'al à tignût in bande, metût adun e dât a la Biblioteche Civiche di Glemone ducj i boletins e altre documentazion dai comitâts. Il lavor lu à catalogât, cun afiet e competenze, Matteo Ermacora di Maniae. Che Diu ur al merti; la clibe dai studiôs dal Friûl ju à agrât.

Raimont Strassolt

Centro Interdipartimentâl di Ricerche
su la Culture e la Lenghe dal Friûl
Universitât di Udin